



جَيْلَانِحَالِإِحْوَالِإِنْسِلَامِيَّةِ فِي دَارِالْأَمَانِ

JABATAN HAL EHWAL AGAMA ISLAM NEGERI KEDAH DARUL AMAN

GARIS PANDUAN

PELAKSANAAN SOLAT JUMAAT DAN SOLAT FARDU BERJEMAAH DI MASJID DAN SURAU NEGERI KEDAH DARUL AMAN

1. ARAHAN

Jabatan Hal Ehwal Agama Islam Negeri Kedah Darul Aman (JHEAIK) memohon semua institusi masjid dan surau, serta anak kariah di negeri Kedah Darul Aman mematuhi Garis Panduan Pelaksanaan Solat Jumaat dan Solat Fardu Berjemaah di Masjid dan Surau Negeri Kedah Darul Aman.

2. PELAKSANAAN

Pelaksanaan solat Jumaat dan solat fardu berjemaah di masjid dan surau negeri Kedah Darul Aman adalah **dibenarkan** dalam tempoh Perintah Kawalan Pergerakan Pemulihan (PKPP), dengan ketetapan seperti berikut:-

PREMIS	AKTIVITI KEAGAMAAN	
	Solat Jumaat	Solat Fardu
Masjid Negeri (Masjid Zahir)	Dibenarkan maksimum 80 orang (termasuk kakitangan Masjid Zahir)	Dibenarkan maksimum 40 orang (termasuk kakitangan Masjid Zahir)
Masjid Kariah, Masjid Institusi & Surau Kebenaran Jumaat	Dibenarkan maksimum 60 orang (termasuk pegawai dan jawatankuasa)	Dibenarkan maksimum 40 orang (termasuk pegawai dan jawatankuasa)

Masjid Ghairu Jamek dan Surau	Tidak berkenaan	Dibenarkan maksimum 20 orang (termasuk pegawai dan jawatankuasa)
--------------------------------------	-----------------	--

3. WAKTU OPERASI

Masjid dan surau hanya akan **dibuka 1 jam sebelum waktu solat**, dan **1 jam 30 minit sebelum waktu solat Jumaat**, serta akan ditutup selepas solat disempurnakan **KECUALI** penganjuran pengajian al-Quran dan kuliah agama selepas solat Maghrib dan solat Subuh, tidak melebihi tempoh 30 minit. (Rujuk perkara 5.7.3)

4. BILANGAN JEMAAH DIBENARKAN

- 4.1. Bilangan jemaah bagi melaksanakan **solat Jumaat di Masjid Negeri (Masjid Zahir)** dibenarkan maksimum **80 orang (termasuk kakitangan Masjid Zahir)**.
- 4.2. Bilangan jemaah bagi melaksanakan **solat Jumaat di Masjid Kariah, Masjid Institusi dan Surau Kebenaran Jumaat** dibenarkan **60 orang (termasuk pegawai dan jawatankuasa)**.
- 4.3. Bilangan jemaah bagi melaksanakan **solat fardu berjemaah di Masjid Negeri (Masjid Zahir), Masjid Kariah, Masjid Institusi dan Surau Kebenaran Jumaat** dihadkan maksimum **40 orang (termasuk pegawai dan jawatankuasa)**.
- 4.4. Bilangan jemaah bagi melaksanakan **solat fardu berjemaah di Surau dan Masjid Ghayru Jamek** dihadkan maksimum **20 orang (termasuk pegawai dan jawatankuasa)**.

5. KETERANGAN

5.1. Jemaah Solat Jumaat

- 5.1.1. Bagi pelaksanaan solat Jumaat, jemaah dari kalangan Pegawai dan Jawatankuasa adalah **diutamakan**. Manakala, jemaah daripada anak kariah hendaklah melalui **proses penggiliran**.
- 5.1.2. Pihak jawatankuasa bertanggungjawab menyediakan senarai dan jadual penggiliran jemaah dari kalangan anak kariah yang dibenarkan bagi melaksanakan solat Jumaat di premis berkenaan secara mingguan.

5.1.3. Pihak jawatankuasa hendaklah membuat jemputan awal kepada anak jemaah yang terpilih sebagai makluman bagi mengelakkan permasalahan dan kesulitan semasa proses pemeriksaan dan pendaftaran masuk.

5.2. Jemaah Solat Fardu

5.3.1 Bagi pelaksanaan solat fardu, **jemaah dari kalangan Pegawai dan Jawatankuasa** adalah **diutamakan**. Manakala, jemaah daripada anak kariah di **Masjid Negeri (Masjid Zahir)**, **Masjid Kariah**, **Masjid Institusi dan Surau Kebenaran Jumaat** hendaklah tidak melebihi **maksimum 40 orang (termasuk pegawai dan jawatankuasa)**, dan di **Masjid Ghayru Jamek** dan **surau** hendaklah tidak melebihi **maksimum 20 orang (termasuk pegawai dan jawatankuasa)**.

5.3. Ketetapan Jemaah

- 5.3.1. Jemaah yang bukan warganegara adalah tidak dibenarkan.
- 5.3.2. Jemaah yang mempunyai gejala atau simptom seperti demam, sesak nafas, sakit tekak, dan selesema tidak dibenarkan.
- 5.3.3. Jemaah yang menghidap penyakit kronik tidak dibenarkan.
- 5.3.4. Jemaah yang berumur 15 tahun ke bawah tidak dibenarkan.
- 5.3.5. Jemaah hendaklah mengambil wuduk di rumah, namun dibenarkan memperbaruiinya di masjid dan surau dengan mematuhi penjarakan sosial.
- 5.3.6. Jemaah hendaklah membawa sejадah masing-masing sebelum hadir ke masjid dan surau, sekiranya jemaah tidak membawa sejадah, pihak masjid dan surau hendaklah mengarahkan jemaah tersebut beredar.
- 5.3.7. Jemaah hendaklah memakai penutup muka (*face mask*) dan menggunakan pensanitasi tangan (*hand sanitizer*) yang disediakan oleh pihak masjid dan surau.
- 5.3.8. Pihak masjid dan surau hendaklah memastikan hanya jemaah yang dibenarkan sahaja memasuki dan melaksanakan solat di dalam premis masjid dan surau.

5.4. Panduan Sebelum Solat

- 5.4.1. Pihak masjid dan surau hendaklah menyediakan:-
 - 5.4.1.1. kaunter pemeriksaan,
 - 5.4.1.2. alat pengukur suhu,
 - 5.4.1.3. pensanitasi tangan (*hand sanitizer*),
 - 5.4.1.4. petugas di kaunter pemeriksaan dan pendaftaran, dan
 - 5.4.1.5. buku log kehadiran (nama, nombor telefon, dan suhu)
 - 5.4.1.6. penanda kedudukan antara jemaah (minimum jarak antara saf dan jemaah 1 meter) berdasarkan keperluan penjarakan sosial yang digariskan oleh Kementerian Kesihatan Malaysia (KKM).
- 5.4.2. Jemaah hendaklah hadir awal sebelum masuk waktu solat bagi menjalani proses pemeriksaan dan pendaftaran.
- 5.4.3. Jemaah berikut tidak dibenarkan masuk ke premis masjid dan surau:-
 - 5.4.3.1. Jemaah bukan warganegara,
 - 5.4.3.2. Jemaah yang diimbas suhu melebihi 37.5 darjah *Celcius*,
 - 5.4.3.3. Jemaah yang mempunyai gejala/simptom seperti batuk, selesema dan sesak nafas,
 - 5.4.3.4. Jemaah yang tidak memakai penutup muka (*face mask*), atau;
 - 5.4.3.5. Jemaah yang tidak membawa sejadah sendiri.
- 5.4.4. Kaunter pemeriksaan dan pintu pagar utama masjid dan surau hendaklah ditutup apabila azan telah berkumandang.
- 5.4.5. Tiada aktiviti pemeriksaan dan pendaftaran setelah azan berkumandang.
- 5.4.6. Mana-mana jemaah yang tidak sempat menjalani proses pemeriksaan dan pendaftaran tidak dibenarkan untuk masuk ke masjid dan surau.
- 5.4.7. Pihak masjid dan surau hendaklah menyusun dan menanda kedudukan jemaah dalam jarak minimum 1 meter antara jemaah dan saf.

5.5. Panduan Semasa Pelaksanaan Solat

- 5.5.1. Jemaah mengambil kedudukan di tempat yang ditanda di dalam masjid dan surau.
- 5.5.2. Pihak masjid dan surau dibenarkan untuk menggunakan alat pembesar suara luar untuk manfaat ahli-ahli kariah di sekitar masjid dan surau, ketika:

- 5.5.2.1. Mengalunkan azan solat 5 waktu
 - 5.5.2.2. Mengalunkan azan pertama dan kedua Solat Jumaat.
 - 5.5.2.3. Membaca khutbah Jumaat.
 - 5.5.2.4. Melaungkan iqamah.
 - 5.5.2.5. Mendirikan solat, berwirid dan berdoa.
- 5.5.3. Khatib bertugas hendaklah membaca teks khutbah yang telah disediakan oleh pihak Jabatan Hal Ehwal Agama Islam Negeri Kedah Darul Aman.
- 5.5.4. Imam digalakkan membaca surah atau ayat yang pendek.
- 5.5.5. Imam hendaklah meringkaskan bacaan wirid dan doa selepas solat.
- 5.5.6. Tempoh masa bermula azan, hingga selesai solat, dan khutbah hingga selesai solat Jumaat, serta wirid dan doa, dihadkan tidak melebihi 45 minit.

5.6. Panduan Selepas Solat

- 5.6.1. Jemaah terus bersurai selepas selesai melaksanakan solat, wirid dan doa ringkas tanpa melaksanakan solat sunat *ba'diyah*.
- 5.6.2. Tidak dibenarkan berkumpul selepas solat sama ada di dalam atau di luar masjid dan surau.
- 5.6.3. Masjid dan surau ditutup dengan kadar segera.
- 5.6.4. Pihak masjid dan surau hendaklah melakukan pemantauan dan pemeriksaan di dalam, di luar dan sekitar perkarangan premis masjid dan surau supaya tiada ahli jemaah berkumpul.
- 5.6.5. Tidak bersalaman dan bersentuhan antara sesama jemaah yang hadir.
- 5.6.6. Amalan iktikaf dalam masjid selepas solat adalah tidak dibenarkan.

5.7. Panduan Tambahan

- 5.7.1. Lafaz صلوا في بيتك dalam laungan azan dikembalikan kepada lafaz حي على الفلاح dan حي على الصلاة.
- 5.7.2. Pelaksanaan aktiviti-aktiviti kemasyarakatan di masjid dan surau seperti kenduri, gotong royong dan sebagainya masih tidak dibenarkan.

- 5.7.3. Pengajian al-Quran dan kuliah agama adalah dibenarkan selepas solat Maghrib dan solat Subuh tidak melebihi 30 minit, dengan mematuhi norma baharu dan garis panduan yang telah ditetapkan oleh Kementerian Kesihatan Malaysia dan Jabatan Hal Ehwal Agama Islam Negeri Kedah.
- 5.7.4. Pihak masjid dan surau boleh membuka dan menyediakan ruang yang terhad di masjid dan surau yang mudah dikawal selia bagi kemudahan individu atau musafir yang ingin singgah melaksanakan solat, dengan pelaksanaan perkara berikut:-
 - 5.7.4.1. Menyediakan buku rekod kehadiran (nama dan nombor telefon)
 - 5.7.4.2. Menyediakan pensanitasi tangan (*hand sanitizer*)
 - 5.7.4.3. Melakukan sanitasi di ruang yang disediakan pada setiap waktu solat.
- 5.7.5. Bacaan tarhim atau ayat al-Quran menggunakan alat pembesar suara luar sebelum masuk waktu solat adalah dibenarkan.
- 5.7.6. Proses masuk dan keluar masjid dan surau mestilah dalam keadaan teratur serta menjaga penjarakan sosial yang ditetapkan.
- 5.7.7. Pihak masjid dan surau hendaklah melakukan sanitasi ruang solat dan kawasan sekitarnya termasuk tandas dan ruang wuduk sebelum dan selepas solat, terutama ruang atau tempat yang sering disentuh oleh para jemaah.
- 5.7.8. Jika ada jemaah disyaki atau disahkan positif COVID-19, operasi masjid dan surau akan ditutup dan perlu melakukan proses sanitasi penuh dan jemaah lain yang hadir perlu melakukan saringan mengikut prosedur Kementerian Kesihatan Malaysia (KKM).

6. PELANGGARAN

Mana-mana masjid dan surau yang melanggar dan tidak mematuhi arahan ini, boleh dikenakan tindakan dan kebenaran melaksanakan aktiviti keagamaan boleh ditarik balik serta merta.

7. KUATKUASA

Arahan ini adalah berkuatkuasa bermula 19 Jun 2020, sehingga arahan rasmi terkini dikeluarkan dari semasa ke semasa. Melalui arahan ini, sebarang perbezaan dan percanggahan dalam arahan terdahulu adalah terbatal.

Pengarah

Jabatan Hal Ehwal Agama Islam

Negeri Kedah Darul Aman

16 Jun 2020